

Diabierna awor ta eleccion di Reina Infantil

Rose-Laine Roch “OSHE” ta cla hunto cu Wizz Kids - Mundo Infantil ...



“Mundo Infantil”.

Oshe, manera su nomber di cariño ta, ta un mucha cu tin masha hopi talento mes...

Bishitando Glenda's Speelshool na february 2005, Oshe cu apenas 3 aña, preparando pa cumpli 4 ta subi esenario y brinda tur hende un show tur afo cu ta dune e corona di Reina di Glenda Speelshool .

Na november e mesun aña 2005 , ya cu 4 aña cumpli, Oshe ta subi esenario di City One pa participa den Princesita Modelo & Mini Galan, Oshe a bolter e lugar y conquista mayoria premio e anochi ey, incluyendo e premio principal Princesita Modelo Aruba 2005

Na 2006, Oshe a competi pa Reina di Mc Donalds, cual el a gana tambe y ademas bay cu e premio di Mihor Speech.

Ademas, Oshe a participa den e Shownan di Mundo Infantil, na 2005 den e Show di Barney, na 2006 den e show di Shrek y su Gang y e aña aki el a participa como un di e muchanan Von Trapp den e show di “The Sound of Music ” di E Mundo Maraviyoso di DISNEY.

“Oshe” ta un mucha cu ta gusta hunga cu su rumannan, canta, baila y e ta gusta modela.

“Oshe” t’e voz oficial di Lechi Lonco pa Aruba y tabata e stem p’e propaganda di e campaña di Gerbier Cuties of the Week cu t’e campaña di Gerber di Consales Aruba.

Comision Pro Oshe kier a manda un danki special na tur esnan cu ta haci su participacion posibel. Tur esnan cu ta buscando T-shirt di Oshe por pasa na Magic Fm entre diarazon en adelante pa busca bo T-shirt .

Nos ta desea OSHE tur clase di exito pa diabierna awor !

ROSE – Laine a nace na Aruba , dia 5 di maart 2001 na Aruba. Y ta yui di sra. Rosalka & sr. Randolph. Cu edad di 1 aña y 7 luna, el a cuminsa traha na Magic FM, den e programa “Drempelito” y

Xpresa bo mes

SAC ta duna mal ehempel




SR. Redactor, permiti un espacio. Ultimamente mi a tuma nota cu tin algun actividad di Carnaval, en especial ta wordo organisa den un of otro night club. Nada contra, pero si mi ta contra, ora cu esaki ta wordo organisa p.e. den night club, anto den oranan laat di anochi, despues di 9 or anto pa mucha.

Mucha de facto, mester ta drumi no mas tarda cu 8 or di anochi. Ley ta bisa, cu un night club no ta permiti admision di mucha menor di edad, y no ta papia mes di p.e. Reina Infantil. Anto con bini nos ta tolerante? T’asina kier duna bon ehempel?

SAC duna bon ehempel, y no dañá for di mucha, e mentalidad di nos futuro generacion. No organisa ningun actividad di Carnaval of di ningun otro, unda ley no ta permiti esaki. Con bini esnan cu ta eherce ley, p.e. polis ta permiti esaki tambe. Nos ta fout bezig.

Number y direccion ta conoci na redaccion.

Tiramento di “lot “ pa Reina Infantil 2009 na Tequila Night Club



TEQUILA Night Club tabata completamente yen di muchanan pa sostene nan candidatanan na momento di tiramento di lot pa cu Reina Infantil di Aruba su Carnaval. En total ta bay tin 5 candidata y e resultado di e tiramento lo ta lo siguiente:

1. Jairee Revienska Oduber, representando Santa Cruz;
2. Zugeska Zugene Arendz, representando Sunrise/Jolly Kids;
3. Tara Victoria Roga, representando Champagne Carnaval Group;
4. Alisha Tizaine Croeze, representando Little Chaz/Don Flip Racing;
5. Rose-laine Regina Rock, representando Wizz Kids/Mundo Infantil.

Stichting Arubaanse Carnival (SAC) kier a invita henter e pueblo Carnavalesco pa bin apoya nos muchanan durante eleccion di Reina Infantil. E eleccion di Reina Infantil di Aruba su Carnaval ta tuma lugar diabierna awor 23 di januari 2009 pa 7or anochi. SAC kier a desea cada un candidata hopi exito diabierna awor.